

**Protocol no. 45****Sezzüda da lündeschdi, 19 november 2012, 20.00 – 00.45**

- Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)
- Invidats:** Rico Zini, contabel, Mario Riatsch, silvicultur, Christian Poo, manader tecnic, cumischium sindicatoria: Andri Lansel e Domenic Augustin
- S-chüsà:** Chasper Ruben

**374 9                      FINANZAS ED IMPOSTAS**  
**Preventiv 2013**

Il Cussagl repassa il preventiv in möd minuzius e til discuta detagliadamaing. Pel on 2013 as fa prevalair ün massiv gudogn. Il motiv da quai es il fat, cha la ditta Energia Engiadina cumpra la rait electrica cumünala. Adonta quel fat nu po il Cussagl croudar in euforia. Quel resultat ha be virtü directa pel on 2013, davo as preschainta la situaziun finanziaria magari negativa. Sainza quel rechav demuossess fingià l'on 2013 ün s-chavd considerabel e la tendenza pels prossems ons muossa cha quel dvantess adüna plü ot. Ün aspet negativ, chi chaschuna il s-chavd ais eir l'entrada dal sector d'impostas. La situaziun pretenda, chi gnäa trat a temp las masüras adequatas per obtgnair ün quint plü o main equilibrà.

Uschè ha il Cussagl, davo vasta ed intensiva discussiun e davo esser i cul rispli cotschen vi dal preventiv, pustüt vi da las investiziuns ed il plan da finanzas, decis da til acceptar e da til preschantar a la radunanza cumünala dals 13 december 2012.

Ultra da quai ha el decis, da propuoner a la radunanza manzunada d'augmantar darcheu il pè d'impostas e quai da 105% sün 120% da l'imposta chantunala simpla. 120% ais nempe il term chi permetta lura al cumün d'obtgnair davart dal Chantun la somma areguard l'egualisaziun da la forza fiscala.

L'actuar:

Il Capo: